



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ephesini Concilii Generalis Pars I. Et II. Sub Cælestino papa I. anno
CCCCXXI.

Parisiis, 1644

Orientalium Schismaticorum exemplaria ad fratres, qui communi omnium
nomine Constantinopoli legatione fungebantur.

urn:nbn:de:hbz:466:1-15062

ORIENTALIVM SCHISMATICORVM
exemplaria ad fratres, qui communi omnium nomine
Constantinopoli legatione fungebantur. ANNO
CHRISTI
431

Omnibus modis pientissimis & sanctissimis ac religiosissimis coepiscopis, Ioanni, Ioanni, Himerio, Paulo, Macario, Apringio, Theodoreto, Helladio, episcopis, Synodus quæ in ecclesia Ephesi congregata, in Domino Sal.

*Obscura
sunt hæc, &
forte muti-
la.*

QVONIAM didicimus vestros pro religione labores, cum diuina regis nostri Christum amantis & pientissimi, *cognouimus experientia, Dominum Iesum Christum ecclesias suas non derelinquere, qui sane & vobis orthodoxis decentem gratiam exhibuit, aduersariosque multo rubore confudit, pientissimumque nostrum regem rectæ fidei sanctissimæ ecclesiæ accedere fecit. Confidimus autem, quod & vobis libertate sacerdotibus Christi digna certantibus, & pientissimi nostri regis vita per Deum salua, pacificum finem res habituræ sint: *infamentur hæretica, vt per totum orbem in ecclesiis iterum sanctorum patrum orthodoxa fides relucescat. Verum aduersarii non cessant vsque in præsentem diem solitam exercere tyrannidem, eo quod nullam indignationem experti sunt. Vbique enim illicitas depositiones in ecclesias mittentes, turbant & clerum & plebē. Subscripsimus item in duobus exemplaribus, quæ a vestra sanctitate nobis sunt missa: pro quibus oramus, vt contra pullulantem impietatem pro veritate certantes, vsque ad sanguinem obstitatis, scientes quod cum vestra sanctitate concordant ea quæ nos confitemur. Parati etiam sumus prius mori, quam suscipere vnum ex hæreticis Cyrilli Alexandrini capitulis. Quæ autem ad personarum dehonestationem attinent, perpetuo silentio abrogamus. Qui enim recipiunt eum in hæreticis illis commentariis (hæretica commentaria, vt scitis, patrum fidei coniunxerunt,) hac ratione declarant seipso hæreticos, & ab orthodoxa fide alienos. Quomodo igitur, oro, fieri potest, vt duo hæc diuersa, depositio & capitula, conueniant? Nam si fide digni sunt qui eum recipiunt, digni fide erunt & in capitulis hæreticis, quæ exposuerunt. Si autem capitula redarguunt eos hæreti-

*Argute, sed
ex falso prin-
cipio colligi-
tis, ponite e-
nim totam
Synodum hæ-
reticam fu-
isse, atque id-
eo Nestorium
deponere non
potuisse.*

ANNO
CHRISTI
431.

cos, omnino hæreticorum est & depositio. Hæc autem & ad pientissimum nostrum regem scripsimus, misso exemplari; vt quod operæ precium videbitur, faciatis. Non minor enim nobis sollicitudo est, quam pro veritate ipsa, ne si depositio quæ ab hæreticis facta, robur accipiat, valeant & hæretica capitula, & alia quæ ab illis contra multos sacerdotes facta sunt. Bona nobis fiducia est, quod vestra sanctitas hæc omnia doceat, & illa faciat, quæ omnia quæ ab hæreticis facta sunt, irritent, siue depositionem, siue excommunicationem, idque tam synodali rescripto, quam regio edicto. Non ignorat enim vestra pietas, quod habemus quosdam episcopos nobiscum desolatos in suis prouinciis. Demum misimus vestræ sanctitati recens factam expositionem ab Alexandrino hæreticorum capitulorum, euidentius etiam per illam ostendente suam impietatem. Sicut & rogauimus vestram sanctitatem, dignemini curare, vt nos statim dimittamur, maxime quia nunc hiems instat.

Hæc fiducia
vos faller.

Imo vero
minor pars
iam ante vel
exautorata,
vel excommu-
nicata erat.
Indicans a-
nathematif-
morum Cy-
rilli declara-
tionem.

RELATIO ORIENTALIVM, QVI EPHESI
degebant, ad Theodosium & Valentinianum
Augustos.

*Pientissimis & Christi amatoribus regibus, Theodosio & Valenti-
niano Augustis, sancta Synodus quæ Ephesi est congregata.*

EDOCTI ex sanctissimorum & pientissimorum mini-
strorum nostrorum literis, qui pro tota Synodo ad ve-
strum piium comitatum peruenerunt, tum quod benignus
illis ad vestram pietatem patuerit accessus, tum quod ma-
iestas vestra multum pro orthodoxa fide zelet, gauisi su-
mus, quasi præsentem prædictis serenam vestræ pietatis fa-
ciem simul intueremur. Cognouimus enim, quomodo ea
quæ ab aduersariis, vestro iusto iudicio minus fuere acce-
pta; sanctorum autem patrum qui in Nicæa, fides, pro qua
& præsentem pientissimi episcopi, & nos solliciti sumus,
receptionem meruit. Credimus itaque, Deum sic insti-
tuisse vestram pietatem, ne quo modo commoueretur a-
postolica fides, per quam a progenitoribus regnum habet
vestra maiestas, omnesque alienas nationes subditas ha-
bet. Et propterea gratiarum actiones, & continuas pre-
ces solito more cum magno gaudio Christo Domino offe-

Non pro tota
Synodo, sed
tantum pro
conciabulo
Antiocheno.

Concil. Tom. 5.

Zzzz ij